



錦繡萬花谷序



余爲童時適當胡馬蹂踐之間又居窮鄉
無業儒者余獨背馳而爲之文籍最爲難
得苟可以假鬻亦未嘗戛戛以盡其誠以
余有書之癖每讀一篇章如小兒之於飴
劑有加而不能自止當其劇時雖夜分漏
盡不之覺也所患性魯無彊記之敏誦久
亦漫漶而不牢先人旣老又獨簷門出入

乎衡陽胥伍之中而喔咿於遽條俯仰之
際如是者數年索諸故吾孑然矣其後家
益貧奔走於四方爲饑寒計幸焉一溫亦
若隔世人夫以窮鄉亂後假鬻之難而居
衡陽奔走之中加以魯性易失則不存也
固宜尚何咎哉然土炭之嗜不變於是始
爲晚歲之謀凡書有當存乎吾心者輒稍
招還其舊而聚其旅二三年間抄益多然

而鎖碎而無統又多除舍於人不得以盡
隨故爲風雨蟲鼠之所蝕或爲人之所度
或爲醬醜之所敗不得成焉又數年抄不
輟如司馬子長班范歐陽之書抄已而四
五矣晚益困無以自娛復留意於科舉之
外凡古人文集佛老異書至于百家傳記
醫技稗官齊諧小說荒錄恠志聞必求求
必覽焉久之浩浩如也乃畧有叙又附之

以唐人及國家諸公之詩自九華之歸編
粗成爲三集每集析爲四十卷古今之事
物天下之可聞可見者粲乎其有條矣夫
窮達無異趣文章無異體將以經綸乎

國家規恢乎功名雕繪萬物而吟詠性情
若取之懷袖中彼得焉失焉有命此則不
可一日缺也先是烏江蕭恭父河南胡恪
聞其大槩爲余命名曰錦繡萬花谷今從

其名嗟夫余之困於時也我知之矣而不
敢懟雖懟而甘於此人雖我非而我自信
而不輟故夫是書獨可以自娛而不可傳
人蓋天下之書不可盡而余之心亦不可
足以不可足之心而讀不可盡之書其抄
無旣其事無窮望畢如憤如而後止故於
其類之間白其行者有差所以容其方來
也他日子孫或能有書亦足以見吾之艱

難如此

淳熙十五年十月一日叙

錦繡萬花谷前集總目

卷之一

天

日

月

星

雨

祈雨

卷之二

雪

霜

風

雲

霧

雷

電

虹

霽

卷之三

春

夏

秋

冬

卷之四

元日

人日

上元

端午

七夕
中秋
重陽
冬至
歲除
雜日

卷之五

地
山嶽
海
潮

川瀆
湖
臨安
蘇州

潤州
秀州
湖州
常州

越州
明州
台州
婺州

温州
衢州
處州
建康

宣州
徽州
饒州
海州

贛州
袁州
吉州
撫州

江州

卷之六

西京
揚州
潭州
永州

荆南
鄂州
成都
福州

建州
興化
廣州
諸郡名

總地里

卷之七

竹
筍
墨竹
柳

梅
黃梅
臘梅
紅梅

牡丹
紅藥
海棠
桃花

李花
梨花
杏花
酴醾

蓮花
白蓮
木犀
水仙

山礬
落花
總草木
芸

合歡丹棘

卷之八

帝五符瑞。統運。宮殿禁苑。服御行幸。

卷之九

陵廟紀年。皇后。太子。宗室。

卷之十

三省。宰相。樞府。尚書。

侍郎

卷之十一

御史。諫官。給事中。翰苑。

中書舍人。知制誥。

卷之十二

左右史。館閣。郎官。卿監。

史官。東宮官。兩學官。總華清。

卷之十三

總漕。監司。郡守。倅車。

幕官

卷之十四

縣宰。縣丞。縣尉。主簿。

本朝官制。總官制。大禮封贈三代。

卷之十五

將帥。儒將。師旅。兵說。

奇謀。夷狄。多故。太平。

國賦。田畝。戶口。鑄錢。

摧茶。摧酤。

卷之十六

父子

母子

兄弟

夫婦

子孫叔姪

卷之十七

妓妾

美人

卷之十八

婚姻

孕育

卷之十九

生日

前身

朋友

奴僕

卷之二十

習學

幼敏

博學

文章

卷之二十一

詩律

卷之二十二

科舉

下第

卷之二十三

才德

吉兆

卷之二十四

貴

富

奢

知遇

不遇

卷之二十五

隱逸

漁父

農家

客舍

齋宅

僧寺

宮觀山名

卷之二十六

萬花谷
虎

龍

馬

總獸

卷之三十八

相貌

卜命

辯證

釋義

辯字

卷之三十九

天類

人類

蟲類

食類

文籍類

草木類

器用類

衣服類

物理類

卷之四十

記錄

神像

歷代陵寢

歷代君臣配饗

教授

潛藩之郡升而為府

帝后誕節名

記

錦繡萬花谷前集總目終

錦繡萬花谷前集卷之一

天

九關虎豹虎豹九關啄害下人此重虎豹守之出楚辭

磨蟻天圓如倚蓋地方如碁局天旁轉半在地上半在

地下日月本東行天西旋入于海牽之以西如蟻行磨

上磨左旋蟻右行磨疾蟻遲蟻不得不西出晉天文志

銀黃左界河漢水之精發而浮上宛轉隨流名曰天河

一曰雲漢詩疏亦名銀潢謝莊月賦斜漢左界北陸南

躔亦曰銀灣出許洞詩亦曰銀浦出李賀詩

金階兩闕神異經東北大荒中有金闕高千丈上有明

月珠徑三丈光照千里中有金階兩闕名天門出杜詩

通明殿通明玉帝殿名常有紅雲捧之坡詩云侍臣鵠

立通明殿一朶紅雲捧玉皇出坡詩注

耀魄寶鈎陳口中一星曰天皇大帝其神曰耀魄寶出晉志

天文志

白瑤宮凝虛殿唐李賀卒其母夢賀曰上帝近遷都丹

圃建白瑤宮召某為新宮記又作凝虛殿使其輩纂集

樂章出宣室記

白玉樓玉華殿李賀長吉夢人駕赤虬持版召賀曰天

帝新作白玉樓請君為記賀不得已隨之遂卒出賀本傳又

莆田人方朝散病歷三日而蘇至玉華殿道士云先生

昔有陰功帝召見白玉樓試文一首帝覽之大喜拜為

玉華侍郎有過謫墮人世不久當返出夷貳志

黃闕白玉京黃金城王素待制嘗夢至玉京黃闕有紺

服翠冠者曰吾東門侍郎公則西門侍郎昔已奏牘許

責于世公晚歲思玉京之夢作詩曰碧虛中藏白玉京

夢魂飛入黃金城何時再步煙霞外皓齒青童已掃聽

出古今詩話

鈞天廣樂秦穆公夢至帝所觀鈞天廣樂帝錫之以策

秦遂大昌出史記

鍊石斷鰲女蝸氏鍊五色石以補其闕斷鰲足以立四

極

天柱地維共工與顓頊爭為帝怒觸不周山折天柱絕

地維故天傾西北日月星辰就焉地不滿東南故百川

水潦歸焉並出列子

閻闔離騷吾令帝閻開關兮倚閻闔而望予司馬相如

大人賦排闥闔而入帝居出杜詩注

三清玉清元始居之太清玉宸道君居之上清混元老君居之

五帝東方青帝靈威仰南方赤帝赤熛怒西方白帝白招矩北方黑帝叶光紀中央黃帝含樞紐出孝經緯

漏天蜀有地名漏天古詩地近漏天終歲雨出杜詩注

積氣杞國有人憂天地崩身亡所寄又有憂彼之所憂者因往曉之曰天積氣耳亡處亡氣若屈伸呼吸終日在天中行奈何憂崩墜乎其人曰天果積氣日月星宿不當墜耶曉之者曰日月星宿亦積氣中之有光耀者使墜亦不能傷其人大喜長盧子聞而笑曰夫天地空中之一細物有中之最巨者難終難窮難測難識憂其

壞者為大遠言其不壞者亦未為是出列子天瑞篇

欲界色界無色界三十二天欲界十天色界十八天無

色界四天初禪二禪三禪各三天四禪九天凡一十八

天皆屬色界而三禪有三天一淨居天二無淨居天三

遍淨居天無想無證衣食自至出后山詩注

佛說三十二天欲界六天四天王天忉利天須臾摩天

兜率陀天樂變化天他化自在天六天名為欲界

色界十八天梵眾天梵輔天大梵天此三勝流名為初

禪少光天無量光天無音天比三勝流名為二禪少淨

天無量淨天徧靜天此三勝流名為三禪福生天福愛

天廣果天無想天此四勝流名為四禪無煩天無熱天

善見天善現天色究竟天是十八天獨行無交未盡形

累名為色界

無色界四天 回心空處識處無所有處非想非非想處

是四空天身心滅盡定性現前名無色界並出楞嚴經

道經說三十二天欲界 黃曾天王完天何童天平育天

文舉天摩夷天凡六天為欲界也

色界 越衡天濛翳天和陽天恭華天宗飄天皇笳堂耀

天端靜天恭慶天極瑤天元載天孔昇天皇崖天合十

二天為色界

無色界 極風天孝芒天翁重天江由天阮樂天曇誓天

霄度天元洞天妙成天禁上天常融天王隆天梵度天

賈奕天合是十四天為無色界並出護命經注

周天三百六十五度 經星二十八宿布於四方東方蒼

龍七宿其屬三十二星七十五度北方玄武七宿其屬

三十五星九十八度四分度之一西方白虎七宿其屬

五十一星八十度南方朱雀七宿六十四星一百一十

二度周天三百六十五度四分度之一每一度二千九

百三十二里周天積一百七萬九百一十三里徑三十

五萬六千九百七十一里出後地理志

自地至天萬五千里 晉書天文志曰日去地常八萬里

又曰地上去天八萬一千三百餘里又地理志地東西

南北相去二億三萬餘里自地至天半八極之數酉陽

雜俎云自地至天十一萬餘里按周禮以天圭之法南

戴日下萬五千里地與星辰四遊升降於三萬里之中

是以半之得地之中也潁川陽城為然此乃古之聖人

推測天地高深之法是則地至天萬五千里爾他說無

根出學林

崖公散樂呼天為崖公出教坊記

天公庾亮云天公憤憤也

曰

虞淵虞淵亦名虞泉日入於虞淵浴於咸池拂於扶桑

登於暘谷出淮南子取日虞淵洗光咸池出唐贊

羲和羲和東方國名日所由過也每日出二國人為御

推而升太虛唐堯取以名官出山海經又曰有女子名曰羲

和浴日於甘泉羲和者帝俊之妻是生十日

圓羅耀方諸山真人皆呼日為圓羅耀外國人呼日為

濯羅耀出真誥

鬱華鬱華又名鬱儀鬱儀奔日之仙故曰鬱儀赤文與

日同居出鷄跡集

六螭日乘車駕以六螭六螭即六龍也出淮南子

三足鳥淮南子云日中有踰鳥踰鳥者謂三足鳥也日出者陽精之宗積而成鳥

象鳥而三距陽之類其數奇出漢天文志

高春下春日出於暘谷浴於咸池拂於扶桑是謂晨明

經於隅泉是謂高春頓於連石是謂下春至于悲泉爰

息其鳥是謂懸車薄於虞泉是謂黃昏出淮南子

射九日落沃焦淮南子曰堯時十日並出草木焦枯堯

命羿仰射十日中其九鳥皆死墮羽翼堯時十日並出

堯使羿射九日落沃焦沃焦海水泄處也出山海經又曰大荒之中

暘谷上有扶桑十日所浴九日居下枝一日居上枝皆

載烏

三竿末明五年十一月丁亥日出三竿朱色黃色赤暈

出南齊天文志

日觀泰山東南有峯名曰日觀鷄一鳴見日已出長三

丈出漢官儀

熟羊腓東海有國曰骨利幹地近扶桑其國人初夜煮

羊腓方熟其日已出出西清詩話又唐書東夷日本國事亦

類此

銅鉦額上晴雲披絮帽樹頭初日掛銅鉦出坡詩

朱光杜甫詩朱光徹厚地楚詞云陽杲杲其朱光

兩兒辨孔子東遊見兩小兒辨鬪問其故一兒曰我以

日出時去人近而日中時遠也一兒曰日中時近也一

兒曰日初出大如車蓋及日中如盤盂此不為遠者小

而近者大乎一兒曰日初出滄滄涼涼日中如探湯此

不為近者熱而遠者涼乎孔子不能決出列子

日輪自暗中湧出有客登岱嶽絕頂行四十里以伺日

出久之星斗漸稀東望如平地天際已明其下則暗又

久之明處有山數峯如臥牛車蓋之狀星斗盡不見其

下尚暗初意日自明處出又久之自大暗中日輪湧出

正紅色騰起數十丈至明處全無光其下亦尚暗出邵氏

親後

月

結隣七聖記結隣奔月之仙故曰結隣黃文與月同居

出鷄路集

嫦娥弄得不死之藥於西王母其妻嫦娥竊之奔月遂托身月中仙嫦娥弄妻也服藥得仙奔又曰水氣之精者為月

廣寒宮冬至後月養魄於廣寒宮出東方朔十洲記

山河影謂月中有物婆娑者乃山河影也其空處海水

影出淮南子

吳剛斫樹月中有桂樹高五百丈下有一人常斫之樹

隨合其人姓吳名剛西河人學仙有過謫令伐桂出西

修月戶鄭仁本表弟與一王秀才遊嵩山見一人枕一

襪物方眠即呼之其人曰君知月七寶合成乎月勢如

丸其影日鑠其凸處也常有八萬二千戶修之予即一

數因開襪有斤鑿數事玉屑飯兩裹授與二人曰分食

此雖不足長生可一生無疾出西陽雜俎又介甫詩玉斧修

成寶月團

白玉盤少時不識月呼作白玉盤出李詩暮雲收盡溢清

寒銀漢無聲轉玉盤此宵此景不長好明月明年何處

看出東坡詩

銀盤爛銀盤從海上出忽來照我茅屋東出盧仝

金樞落霞沉綠綺殘月壞金樞出杜詩○文選海賦大明

鑣轡於金樞之穴大明月也金樞月沒處之窟穴也

金丸浮雲捲盡浮金丸衣上白露三更寒出子猷

金環稀星點銀礫落月墮金環出白樂天詩

蟾蜍月中有兔與蟾蜍月陰也蟾蜍陽也而與兔並明

陰係陽也五經通義虔鑿度曰月三日成魄八日成光蟾蜍

體就穴鼻始明穴决也决鼻兔也○弄妻姮娥竊藥奔月託身于月是為蟾蜍後漢天文志注

擣藥兔張衡靈惠序云日者陰宗之精積而成獸象兔

陰之類其數耦杜詩注傅玄擬天問云月中何有白兔擣

藥興福降祥

吳牛喘晉滿奮畏風在武帝坐北牕琉璃屏風實密似

踈奮難之帝笑之奮曰臣猶吳牛見月而喘注云吳牛畏暑見月

疑是日所以喘也世說

登南樓庾亮在武昌諸佐吏乘秋月夜共登南樓亮至

諸佐吏避之亮曰少住老子於此興復不淺遂共談本傳

月桂子月桂子今江東諸處每至四五月後每於衢路

得之大如狸豆破之辛香古老相傳是月中下也不知

此地何獨無為當非月路耶月感之矣餘杭靈隱寺僧

云種得一株近代詩人多論述漢武洞冥記云有遠飛

鷄朝往夕還常銜桂實歸於南土所以北方無南方當

月路所以有也本唐垂拱中天台桂子落十餘日

白樂天題天竺詩宿因月桂落醉為海榴開又詩遙想

吾師行道處天台桂子落紛紛

義娥韓退之詩摘撫星象遺義娥義謂日娥謂月也

詩驟雨清秋夜金波耿玉繩天河元自白江浦向來澄

映物連珠斷綠空一鏡升杜詩光細弦欲上影斜輪未安

微升古塞外已隱暮雲端河漢不改色關山空自寒○

天上秋期近人間月影清入河蟾不沒擣藥兔長生○

四更山吐月殘夜水明樓塵匣元開鏡風簾自上鉤兔

應疑鶴髮蟾亦戀貂裘○不違銀漢落亦伴玉繩低○
玉露團清影銀河沒半輪○此時瞻白兔直欲數秋毫
委波金不定照席綺逾依詩杜憶昨新月生西簷若瓊
鉤今來何所似破鏡懸清秋李落照西山夜色浮
寒掛碧雲頭寶奩新樣橫眉黛珠箔斜懸半額鈎丹桂
一枝初淺露金波千里未圓流嬋娟三五纒成魄散滿
清光四百州周祖一更山吐月玉塔臥微瀾正似西湖
上湧金門外看冰輪橫海濶香霧入樓寒○五更山吐
月牕迥室幽幽玉鈎還掛戶江練却明樓星河淡清曉
鼓角冷知秋○新月如佳人出海初弄色娟娟到湖上
澌澌搖空碧○皎如飛鏡臨丹闈綠煙滅盡清輝發東
坡失寵故姬歸院晚沒蕃老將上樓時○三五夜中新

月色二千里外故人心樂山下白雲橫匹素水中明月
臥浮圖○明月未出羣山高瑞光千丈生白毫一杯未
盡銀鬪湧亂雲脫壞如崩濤誰爲天公洗眸子應費明
河千斛水○鎔銀百頃圍掛鏡千尋缺並東銅壺滴滴
禁漏起三十六宮爭捲簾杜光回首半天雲破夜一眉
新月破黃昏李若波使不來江練靜月娥長在夜珠寒
許輪中如有物光外更無空胡月影碎荆玉波光緯蜀
羅麟沙岸金籠樹燈汀玉湧濤齋風應落桂子露恐滴
金波蘇子池上與橋邊難忘復可憐簾開最明夜輦捲
已涼天流處水花急吐時雲葉鮮姮娥無粉黛只是這
嬋娟

星

五星聚東井漢王入關五星聚東井秦分也此高祖受命之符前本紀

辨五星聚井崔浩集術士考校漢元以來日月五星行度以示高允允曰金水二星常附日而行冬十月高帝入關時日且在尾箕昏没于申東井方出於寅此二星何因背日而行史官欲神其事後歲餘浩謂允曰果如君言以前三月聚於東井在二世末年非漢十月也高允傳又青箱記漢十月五星聚東井金水常附日不遠十月日在箕尾此崔浩所以疑其妄以余度之十月為正乃今之八月爾八月而得七月節則日猶在翼軫間則金水聚於井亦不甚遠浩之說未足信也志林

四星聚東井晉義熙九年歲鎮熒惑太白聚東井後宋

武平關中南史紀

四星聚觜參元魏普大元年十月歲星熒惑鎮星太白聚於觜參太史占曰當有王者興後高歡興齊北史

二使星入蜀後漢李郃知星夜見有二使星入蜀分野果有二客入驛郃問從京師來乎曰然曾聞遣使入蜀乎二客問故相視失色郃傳

客星犯帝座嚴光與光武有舊入謁帝與同宿半夜光足加帝腹明日太史奏客星犯帝座甚急帝笑曰朕故人嚴子陵也隱逸傳

五星聚奎藝祖啟國之月五星聚於奎躔以土為主德星聚後漢陳仲弓從諸子造荀季和其夜德星聚明日太史奏五百里內有賢人會

五星伏周分 景德四年司天監奏今年丁未六月二十五日五星當聚周分臣推尋得五星自閏五月二十五日近太陽甘氏星經曰五星近太陽若伏而不見即臣遜於其君恐今夜五星皆伏真宗御禁臺候之果伏不見大赦天下

湘山野錄

后妃星失明 符堅以弟融為冀州牧將發祖於灞上堅母苟氏以融少子比發三至灞上其夕又竊如融所內外莫知是夜堅寢前殿太史言天市南門屏內后妃星失明左右閹寺不見后妃移動之象堅推問知之驚曰天道不遠

載記

熒惑在匏瓜星中 姚興死之前歲魏太史奏熒惑在匏瓜星中一夜忽然不知所在帝乃召諸儒與史官求其

所詣崔浩對曰請以日辰推之庚午之夕辛未之朝天有陰雲熒惑之亡當在此二日之內庚與午皆主秦辛為西夷今姚興據咸陽是熒惑入秦矣諸人皆曰天上失星人安能知浩笑而不應後八十餘日熒惑果出東井留守盤旋秦中大旱明年姚興死三年國滅

浩傳

太白竊織女侍兒 秦併六國太白星竊織女侍兒梁玉清衛承莊逃入衙城小仙洞四十六日不出天帝怒命五岳搜捕太白歸位衛承莊逃焉玉清有子名子休玉清謫於北斗下常舂其子配與河伯行雨子休每至小仙洞恥其母淫奔之所輒回馭不經故此地常少雨

出獨

萬物之精 說文云萬物之精上為列星

異志

北斗春秋運斗樞曰北斗七星第一天樞第二旋第三機第四權第五衡第六開陽第七搖光第一至四為魁第五至七為標標合為斗居陰布陽故稱北

景星景星者大星也狀如半月生於晦朔助月為明王者不敢私人則見

老人星王者承天則老人星臨其國並孫氏瑞應圖

井中視星尸子曰自井中視星所見不過數星自丘上以望則見始出也非明益也勢使然也私心井中也公心丘上也

東方朔為歲星東方朔楚人也後賣藥五湖知其歲星

焉列仙傳

銀礫稀星點銀礫落月墮金環白樂天詩

白榆天上何所有歷歷種白榆文選

雨

十雨太平之時五日一風十日一雨京房易候詩十雨初晴太液春

三十六雨春秋說題云一歲三十六雨天地之氣宣十日不雨應天文也十五日大雨以斗運也 又京房易

候十日一雨歲凡三十六雨時若之應

不破塊周公之時風不鳴條雨不破塊旬日一雨雨必至夜論鹽鐵

上薄為雨董仲舒曰陰陽氣上薄為雨下薄為霧風其噫也雲其氣也雷其相搏之聲也電其相擊之光也雨乘虛而墜風多則合速故雨大而踈風少則合遲故雨

細而密太平之世風不鳴條雨不破塊雷不驚人電不眩目雪不封條此聖人在上陰陽和也鮑敞問曰雨既陰陽相薄四月純陽十月純陰無二氣相薄則不雨乎仲舒曰純陽用事未夏至一日是純陰用事未冬至一日是敞曰其不雨乎曰然有則妖也西京雜記

雨隊徐州王忠政死十二日却蘇語云見一人引臂曰天召汝行雨左落千隊右落隊各五方色甲馬一般小項瓶中貯人間水一般如馬牙消謂之乾雨雨隊在前風車在後西陽雜俎

雨工柳毅見涇川婦人牧羊問何物曰非羊也雨工也雷霆之類也異聞錄

黑猪渡河夜半天漢中有黑氣相逐俗謂之黑猪渡河

雨候也

玉女披衣萍鄉西津有玉女岡天當雨石間先湧五色

雲俗謂之玉女披衣述異志

審雨堂盧汾夢入蟻穴見堂宇題其名曰審雨堂搜神記

商羊舞家語載童謠云天將大雨商羊鼓舞商羊一足鳥也

理禁伯張元賓得仙入華陽洞為理禁伯其職主水蓋

雨官也真誥

御史雨顏真卿為監察御史五原有冤獄天且旱真卿

辨獄而雨郡人呼為御史雨本傳

隨車雨漢百里嵩為徐州刺史境內旱嵩行部車所經

甘雨輒降本傳

不苦不愁唐段文昌帥荊州或旱禱必雨或久雨遇

出遊必霽民為之語曰旱不苦禱而雨雨不愁公出遊

本傳

甲子雨 俚諺曰春甲子雨乘舟入市夏甲子雨赤地千

里秋甲子雨禾頭生耳冬甲子雨牛羊災死荆楚歲時記

杜翁雨 幾點社翁雨一番花信風山谷詩

豆花雨 里俗以八月雨為豆花雨荆楚歲時記

迎送梅雨 三月雨謂之迎梅五月雨謂之送梅坡詩注

月額雨 謂旦日雨為月額雨金樓子

凍雨流膠 楚詞凍雨兮洒塵江東呼夏雨暴雨為凍雨非疑凍也杜甫詩凍雨落

流膠名溪詩話凍音東

銀竹 白雨映寒山森森似銀竹李白詩

海立 杜少陵文九天之雲下垂四海之水皆立坡詩天

外黑風吹海立浙東飛雨過江來西清詩話

雨絲 文選密雨如散絲又僧楚巒詩雨絲斜織麴塵煙

錢昭度詩酒樓人散雨千絲

雨拳 王禹錫賀知縣春雨詩打葉雨拳隨手重吹涼風

口逐人來東坡云作詩如此不入規矩王直方詩話

夜雨 夜雨滴空堦滴滴空堦裏空堦滴不入滴入愁人

耳何遜詩 曉燈暗離室夜雨滴空堦

閔雨 穀梁傳僖公三年夏四月不雨一時言不雨者閔雨也閔雨者有志

於民也閔憂也

赤松子為雨師 列仙傳曰赤松子者神農時雨師也

李靖行雨 李靖微時嘗夜投宿一巨宅有老婦延之中

夜扣門甚急婦變色曰吾龍也二子俱出天命行雨欲

煩一行乃出一小瓶子繫於鞍前戒曰馬躍嘶鳴取瓶中水一滴滴馬鬣上謹勿多也既而電掣雲間見所憇村連下二十滴既歸老婦曰一滴水乃地上三尺此村半夜水深三丈廣記

梁王清逃處少雨事見星門太白竊織女侍兒下

壁掛龍骨龍骨謂水車介甫詩龍骨長乾掛梁栢山

谷詩壁掛蒼龍骨溜渠故濺濺

祈雨

五龍祈雨法真宗咸平間知揚州魏羽上雩祀五龍祈雨法詔放諸路其法以甲乙日擇東地作壇取土造青龍土器之大小龍之修短餘方皆如之凡旱建壇取五行生成之數焉長吏齋三日詣龍所汲流水設香茗果

率郡官日再至祝酹不用樂巫覡雨足送龍水

畫天黿龜擇潭洞或湫澗林木深邃之所以庚辛壬癸日先齋戒以酒脯告社令築方壇三級高一尺濶一丈三尺壇外二十步介白繩壇上植竹杖張畫龍其圖以縑素畫黑魚左顧環以天黿十星中為白龍吐雲黑色其下畫水波有龜亦左顧吐黑氣如線和金銀朱丹飾龍形又設阜幡列鵝頸取血致盤中楊枝洒水龍上羣官再至祝雨足取龍投水中並本朝事實

五蝦蟆董仲舒云旱則取五蝦蟆置之社中池方八尺深一尺木蝦蟆焉春則池方七尺夏方五尺秋方九尺冬則如春皆具酒脯陳告後漢禮儀志注

蛇醫王彥威在汴州夏旱時李玘因宴王以旱為言李

醉曰欲雨甚易耳可求蛇醫四頭水十石甕二枚每甕實以水浮二蛇醫以木蓋密泥之分置閑處甕前後設席燒香選小兒十歲以下十餘令執小青竹晝夜更擊其甕不得少輟試之雨大注舊說龍與蛇師為親家焉

西陽雜俎

閉南門董仲舒治國推陰陽祈雨則閉諸陽縱諸陰其

止雨反是

謂如閉南門內舉火及開北方水酒人之類也本傳

鞭陰石夷陵有陰陽石陰石常潤陽石常燥旱則鞭陰石必雨久雨鞭陽石則止物類相感也

驅黑龍牛僧孺鎮襄陽久旱有處士能豢龍公請致雨處士曰江漢間無龍獨一湫泊中有黑龍難制強驅之必為災公固命之果有大雨而漂流萬戶

尚書故實

虎頭徐州城東有石潭與泗水通置虎頭潭中可致雷

雨東坡詩何年射殺南山虎滿腹雷霆暗不吐

東坡集

縮昆明池水唐大旱西域僧請於昆明池結壇祈雨凡

七日水縮數尺龍化為老人詣孫思邈請救曰我知昆明池有仙方三十首傳與予予救汝老人曰此方上帝所禁令急矣少頃捧方至自是池水忽數日溢岸胡僧羞恚死

魯般木山人魯般燉煌人巧侔造化嘗怨吳人殺其父

於肅州城南作一木仙人舉手指吳地吳地大旱三年卜曰般所為也賫物謝之般為斷其一手其月吳中大

雨

西陽雜俎

肥遺鳥華山有鳥名肥遺見則大旱

博物志

少女風魏大旱管輅曰今夕當雨樹上已有少女風矣
須臾雨至 輅傳

塞卦漢明帝時旱筮得塞卦帝以問王輔輔曰塞者
坎上艮下山上有水雨即至矣果如其言鷄距

知雨將至沛獻王輔善京氏易永平五年少雨上御雲
臺闕自以周易林占之其繇曰蟻封穴戶大雨將至以
問輔輔曰塞艮下坎上艮為山坎為水山出雲為雨蟻

穴居知雨將至故以蟻為雨居東觀漢記

桑林六事湯克夏而大旱湯禱於桑林剪其爪磨其手
以為犧祝曰政不節耶使人疾耶苞苴行耶讒夫昌耶
宮室營耶女謁行耶何不雨之極也後漢周舉傳

以身祈雨宋景公時大旱三年卜之以人祠乃雨公下

堂頓首曰吾所以祈雨將自當之言未卒天下大雨方
千里者何德於天而惠於民也

相雨黃子發相雨書常戊申日候日欲入時日上有冠
雲不問大小視四方黑者大雨青者小雨

積薪祈雨戴封為西京縣令境內旱乃積薪而臥其上
約曰來日日午無雨即令以火燒之至期火纔發天降
大雨遂乃大活

木神牙出唐玄宗命梵僧不空祈雨不空每祈雨無他
軌則但設數繡座手斂旋數寸木神念呪擲之自立於
座上伺木神吻角牙出目瞋則雨至酉陽雜俎

詩東堤黑風駕海水海底卷上天中央錚棧雷車軸轍
壯矯攫蛟龍爪尾長神鞭鬼御載陰帝來往噴洒何顛

狂四方歲騰玉京仗萬里橫牙羽木槍杜牧遊人脚底
一聲雷滿座頑雲撥不開天外黑風吹海立浙東飛雨
過江來十分瀲灩金樽凸千杖敲鏗羯鼓催喚起謫仙
泉洒面倒傾蛟室瀉瓊瑰煉長笑蛇醫一寸腹御水吐
電何時足蒼鵝無罪亦可憐斬頭橫盤不敢哭豈知泉
下有潛龍臥枕雷車踏陰軸前年太守爲旱請雨點隨
人如散菽○常山山人信英武駕雷車呵電毋山中
歸時風色變中路已覺商羊舞夜牕騷騷鬧松竹朝畦
泫泫流膏乳庶將積潤掃餘孽收拾歲豐還明主煉雷
椎雨骨天爲低行雲趨走不敢遲桐英滿地誰拾去花
態正顰魂欲飛紫金蛇光誰製斷墮空萬點跳珠亂須
史井滑甘無泥琉璃骨軟爭道馳惠一雨全清六合塵

詩翁喜雨句凌雲垤漂戰蟻餘追北柱繫乖龍有裂文
○湯帝嗟諮徵六事漢庭災異劾三公聖明罪已思寬
大時雨愆期旱蘊隆東海得無冤死婦南陽疑有臥雲
龍傳聞已減太官膳肉食諸公盍奏功○南風吹雨下
田塍田父伸眉願力耕麩麥明年應解好簾櫳今夜不
勝清直須洗盡焦枯意不厭屢聞飄洒聲山潤氣疑柱
礎繁聲注瓦溝暗流牕不曉涼引簟先秋樂滄江夜來
雨直草罪應雪安得鞭雷公滂沱洗吳越○湛湛長江
去冥冥細雨來茅茨踈易濕雲霧密難開○好雨知時
節當春乃發生隨風潛入夜潤物細無聲○入空纔漠
漠洒迥已紛紛巢燕高飛盡林花潤色分晚來聲不絕
應得夜深聞杜微雲淒已合餘潤先流礎蕭蕭止還

作坐聽三更鼓登城望旌麥綠浪風掀舞○風師挾帝
令號呼肆徂征雲師畏推逐蓄意不敢爭雨師曠厥官
所苟朝夕生帝眷一夕回旱議旦暮行翻然沛膏澤夜
半來無聲青蕪發廣畝白水涵孤城並東掣電引狂雷
晝天忽成暮萬里瀉銀河四簷垂瀑布僧可密雨吹不
斷貧居常閉門東溟客有恨西極已能妍東濕炊懸釜
翻牀補壞垣倒身無處着呵手不成温岫稚子更看莎
徑沒漁翁來報竹橋流伍彬

錦繡萬花谷前集卷之一

錦繡萬花谷前集卷之二

雪

滕六唐蕭至忠為晉州刺史將獵前一日有樵者見有
老麋祈於玄冥使者使者令祈於東谷巖四巖四曰若
令滕六降雪巽二起風不復獵矣天未明風雪大作至
忠不出錄

瑞葉何事月娥期不在亂飄瑞葉滿人間仙人燕華君
謂天上瑞木

花開花六出故也
今齋夜話

集衣宋大明中元日雪花降右將軍謝莊下殿雪集衣

白上以為瑞賦詩宋書

沒靴唐韋斌每朝會不敢離立笑言會大雪在庭者皆
振裾更立斌不徙足雪甚幾至沒靴韋安石

堅立不動達摩止嵩山少林寺面壁有僧神光事之夜大雪堅立不動達摩契之與易名惠可即二祖也傳燈又云惠可曰願和尚開甘露門廣度群品自斷左臂至前達摩遂與之法

飛燕射鵰趙飛燕在父母家居貧與妹合德通隣人羽林射鵰者露立戶外風雪大作飛燕閉息順氣體無軫粟射鵰者以為神仙飛燕外傳

豆稽灰王勉之作雪詩上天飛下豆稽灰

麩迎三白坡詩麩麩有信迎三白簷蔔無香散六花泗

語云欲宜去麥見三白謂二度見雪也

牛馬縮如蠟杜甫詩漢時長安雪數尺牛馬毛寒縮如

蠟元封中大雪牛馬皆蹶縮西京雜記

玉龍鱗甲華州狂子張元詠雪云戰退玉龍三百萬敗

鱗殘甲滿空飛西清詩

訪戴王子猷居山陰大雪夜眠覺開室酌酒四望皎然因起彷徨詠左思招隱詩忽憶戴安道時戴在剡溪即便夜乘輕船訪戴經宿方至既造門不前便返人問其故王曰吾本乘興而來興盡而返何必見戴王子猷傳

閉門不出漢時洛陽大雪洛陽令出見袁安門無行迹謂已死入見安偃臥問何以不出安曰人皆乏食不宜出入令賢之遂舉安孝廉安傳

藍關馬不前韓退之有姪湘有仙術方退之在朝暇日湘種頃刻花上擁出詩一聯云雲橫秦嶺家何在雪擁藍關馬不前未幾退之言佛骨貶潮州一日途中遇雪

俄有一人冒雪而來乃湘也湘曰憶花上之句乎公詢其地乃藍關嗟嘆久之為續其詩載集中青瑣集

托巖立化廬山有佛手巖李氏有國時行因禪師居焉

李氏詔居棲賢寺未幾一夕大雪因逃歸舊隱托巖立化冷齋夜話

柳絮因風謝安家集講俄而雪下安問曰白雪紛紛何

所似謝助曰撒鹽空中差可擬謝道蘊曰未若柳絮因風起本傳

黃竹歌周穆王休於國中大雨雪乃作歌三章名曰黃

竹穆天子傳

齧雪蘇武沒蕃居北海上置窖中無食武遂齧雪與羶

本傳

履下足迹東郭先生貧困其履有上無下雪下行雪中

足迹皆見史記

雪車冰柱退之門人劉义作雪車冰柱二詩出盧仝孟

郊之右坡詩空吟冰柱憶劉义

縞帶銀盃韓愈詩隨車翻縞帶逐馬散銀盃

馬耳雙尖坡詩黃昏猶作雨纖纖夜靜無風勢轉嚴五

更曉色來書幌半夜寒聲落畫簷試掃北臺看馬耳未

隨埋沒有雙尖馬耳山名

鶴毛蝶粉石曼卿詩蝶遺粉翼輕難拾鶴墜霜毛散未

搏

禁體物語歐公守汝陰因雪會客賦詩禁體物語如玉

月梨梅練絮鷺鵝銀等事皆請勿用

白戰不持寸鐵東坡守汝陰得雪會飲聚星堂約客賦
詩效歐公體不以鹽玉鶴鷺等爲比不使皓白鮮素等
字落句云汝南先賢有故事醉翁詩語誰續說當時號
令君聽取白戰不許持寸鐵並漁隱叢話
玉塵何遜雪詩茗逐微風起誰言非玉塵坡詩野濶天
低糝玉塵

瓊絲坡詩就中山堂雪更奇青松恠石亂瓊絲

襲蔡縛吳元濟唐吳元濟以蔡州叛諸將討之無功李
愬用李祐計夜襲蔡州會大雪蔡人不知行七十里夜
半至城雪甚城旁有鵝鶩池愬令擊之以亂軍聲遂登
城縛元濟李愬傳

種世衡往奴訛帳種世衡知環州有羗牛奴訛素屈強

未嘗出世衡至來郊迎世衡與約明日當至其帳慰勞
是夕雪深三尺世衡冒雪而往既至奴訛已寢世衡蹴
起之奴訛大驚羅拜感激心服紀聞

夜幸趙普家太祖即位之後數出微行一日大雪向夜
趙普聞叩門聲亟出帝立風雪中曰已約晉王矣已而
太宗至共於普堂中設重裯地坐熾炭燒肉普妻行酒
帝以嫂呼之普從容問曰夜久寒甚陛下何以出帝曰
吾睡不着一榻之外皆他人家也故來見卿普曰南征
北伐今其時矣遂定下江南之策

瑤域粉野李華含元殿賦元冥戒寒海神飛雪瑤域粉
野琪樹森列玉宇璇堦雲門露闕

玉樓起粟坡詩凍合玉樓寒起粟光搖銀海眩生花荆

公云道家以兩肩為玉樓目為銀海

雪水煎茶陶穀妾本党進家姬一日雪下穀命取雪水

煎茶問曰党家有此景否曰彼僮人安識此景但能於

金帳下淺斟低唱飲羊羔兒酒耳

掘得玉馬晉東瀛公騰字元邁鎮鄴時大雪當其門前

數十步獨液不積騰恠而掘之得玉馬高尺許齒皆缺

騰以為馬國姓吉焉或謂無齒則不食異苑

玉花舒元興序重雪終日玉花攪空舞下散地

玉橫斜坡詩三軍喜氣鑠飛花睡起空驚月在沙未集

驊騮金駿裊故殘鳩鵲玉橫斜雪殘之貌也鳩鵲殿名

老杜詩雪殘鳩鵲亦多時

剪水作花陸暢雪詩仙人寧底巧剪水作花飛本事集

爛然為銀耿先生大中召之官嘗大雪戲之曰能以雪

為銀曰可乃取雪投熾岸中食頃取出爛然為銀視其

下若垂酥滴乳之狀

遺蝗入地坡詩遺蝗入地應千尺宿麥連雲有幾家蓋

蝗遺子於地若深一尺則入地一丈昔溪漁話

撤薦飼馬孝廉范達宿於陶侃家時大雪侃母湛氏撤

所臥薦白到飼其馬達聞之嘆曰非此母不生此子晉列

掃路迎賓唐開元遺事王元寶每大雪之際令僕夫自

門巷掃雪為徑路以迎賓客具會為煖寒

鼉城唐貞元中有湘媪常以丹篆救疾一日告鄉人曰

往洞庭救數百人性命至洞庭前一日有大風濤碎一

巨舟居山所載百餘人居島上有一白龜荐沙上人殺食之明日有城如雪圍島其城漸窄狹束其人為簇其間不廣數丈岳陽人亦遙望雪城莫能曉也媼至岸飛劍刺之白城一聲如霹靂遂崩乃一大鼉長千餘丈蜿蜒而斃後有一道士識湘媼是劉綱妻樊夫人也傳奇

望殘雪詩唐制舉子試雜文又作詩續貼主司出天津

橋望洛城殘雪為題有閻齊美詩曰新霽洛城端千家積雪寒未收清禁色先向上陽殘主司覽賞遂過乾麟

白鳳晏殊閒思北海銀宮畔誰駕丹山白鳳凰坡詩鵝

毛垂馬駿自恠騎白鳳

方圭圓璧謝惠連雪賦既因方而為主亦遇圓而成壁

冬夏有雪由首山小威山空桑山並冬夏有雪山海經雪

山峙于西域傳曰天山冬夏有雪

詩寒氣不肯歸雪花一尺圍崩騰相排拶龍鳳交橫飛

波濤何飄揚天風吹幡旗白帝盛羽衛髮髻振裳衣白電光啓途從以萬玉妃韓退之何處更能分道路此時兼

不認池臺冰鋪湖水銀為面風捲汀沙玉作堆絆惹舞

人春豔曳勾留醉客夜徘徊偷將虛白堂前柳失却將

亭驛後梅樂天臺上魂銷猶似蝶樓中裝暖不成梅亂隨

瑤水冰先釋試伴瓊林萼並開石曼卿茅君失却三神鶴

王母應迷五色鱗草木未香花事動乾坤不夜月華新

齷仙子衣裳雲不染天人顏色玉無瑕月寒桂樹猶藏

魄海凍珊瑚未放芽○壽陽樓畔晴梅落孝武宮中曉

露溥越浦爭回乘興棹洛堤欲駐有情鞍蝶遺粉翼輕

難拾鶴墜霜毛散未搏並德難有田皆種玉無樹不開花
 班扇難裁素曹衣詎比麻鵝歸逸少宅鶴滿令威家寂
 寞門扉掩依稀履迹斜人疑迷麪市馬似困鹽車○遶
 墻全剥粉傍井漸銷銀刻獸堆鹽虎為山倒玉人珠還
 曾照魏壁碎尚留秦簷冰滴鵝管屋瓦鏤魚鱗並李清
 夾曉林初落數冷和春雨轉飄蕭堪憐雀避來閒地最
 愛僧衝過短橋懋風雲快約千絲雨天地空無一點塵
 曉樹放開花意思夜牕添起月精神何如飛上叅軍鬢
 與惱紅樓歌舞人若石敏六出飄蕭萬瓦乾冰壺天地不
 容看金門賀客螭頭冷草閣吟終粟瓦寒故人家在西
 溪上欲叩柴門興已闌張天縮頭夜眼如凍龜雪來唯
 有客先知江邊曉色浩無際樹杪風多寒更吹青山有

似少年子一夕盡變滄浪髭江空野濶落不見入戶但
 覺輕絲絲○天風浙浙吹玉沙詔恩歸沐休早衙遙知
 清虛堂裏雪正似簷蔔林中花○昨雨纖纖變玉英小
 庵高臥有餘清夢驚忽有穿牕片夜靜唯聞瀉竹聲○
 漁簑句好真堪畫柳絮才高不道鹽敗履尚存東郭指
 飛花又舞謫仙簷書生事業真堪笑忍凍孤吟筆退尖
 ○超然臺上雪城郭山川兩奇絕海風吹破碧琉璃時
 見三山白銀闕蓋公堂前雪綠牕朱戶相明滅就中山
 堂雪最奇枯松恠石亂瓊並東絲坡海樹成陽春江沙浩
 明月興從剡溪起思繞梁山發白樂天已訝凌歌扇還來
 伴舞腰酒篁留直節着柳送長條舞鏡鸞窺沼行天馬
 渡橋城險疑懸布砧寒未搗綃韓退借問火城將策探

何如雪屋聽牕知李義捲簾光動山人帳入戶寒侵坐

客羶謝無翻成縞帶車迷路卷上珠簾人倚樓石亂飄

僧舍茶煙濕密洒歌樓酒力微江上晚來堪畫處漁人

披得一簑歸鄭寒氣先侵玉女扉清光旋遠省郎圍梅

花大庾嶺頭發柳絮章臺街裏飛欲舞定隨曹植馬有

情應濕謝莊衣龍山萬里無多遠留待行人二月歸李義

山慢有先居後輕多去復回穿細時雙透乘危忽半摧

舞深逢坎井集早鎮層臺砧練終宜搗堦紈未暇裁隨

車翻縞帶逐馬散銀盃誤鷄宵呢喔驚雀暗徘徊退門

外山光馬亦驚堦前履齒我先行風光誤入長春苑雲

月長臨不夜城未許牛羊傷至潔且看鴉鵲弄新晴更

須携被留僧榻待聽摧簷瀉竹聲東坡以聲色氣味

富貴勢力為八章

仍效歐公體不使鹽玉聲石泉凍合竹無風夜色沉沉

萬境空試向靜中閑側耳隔牕撩亂撲春蟲色閑來披

筆學王恭姑射羣仙邂逅逢只為肌膚酷相似繞庭無

處覓行蹤氣半夜欺陵范叔袍更兼風力助威豪地爐

火暖猶無柰恠得山林酒價高味兒童龜手握輕明漸

碾鎗旗入鼎烹擬欲為之脩水記惠山泉冷釀泉清富

天工呈瑞足人心平地今聞一尺深此為豐年報消息

滿田何止萬黃金貴海風吹浪去無邊倏忽疑為萬頃

田五月涼塵渴人肺不知價直幾多錢勢高下橫斜薄

又濃破牕踈戶苦相攻莫言造物渾無意好醜都來失

舊容力萬石千鈞積累成未應忽此一毫輕寒松瘦竹

元清勁昨夜分明聞折聲東坡瀉竹相堆垛打牕時兩

並蘇

東坡瀉竹相堆垛打牕時兩

三夢回清話默寒重壓衣衫洪惠客來迷舊徑虎過識新
 蹤浦近渾無鶴林疎只有松唐子撩人滕六索題詩賴
 有支郎為解圍永夜祗宜樵兔好彤雲不見織烏飛少
 林未許齊腰立青女無端接手歸想得廬山幽絕處洒
 松壓竹更增輝○清都瓊葉霏霏下淨介空花種種開
並洪春雲結成三日霖朔風吹作一尺雪紛紛委地玉
 花亂皎皎照戶紅光發一尊相對老孟光寒光癡坐燈
 明滅踏雪看梅亦不惡月夜西樓更清絕謝無東風欲
 辭閭闔殿未向百花枝上見先拂瑤臺玉蕊叢聯翩時
 落玲瓏片水晶宮中清曉寒蝴蝶窺簾輕暝旋素光冷
 逼翠雲裘玄冰暗結青花妍詩成玉屑帶冰書興隨月
 繞清溪徧兔園老筆生陽春墨葩不待微和扇明朝當

見郢中吟鵬尊快覆鵝黃面○吹風飛雨乾散作柳花
 毬危簷下舞鶴老樹騰蟠虬湖平千頃玉月落漫不收
 手冷謹勿炙置之鷓鴣裘○空庭白鳳舞毳毼撲帘窺
 簾去却回柳絮似將春色到梅梢不認月華來並毛澤民渡
 橋已看銀河凍上馬爭如玉鳳飛莫說兔園延賦客不
 須鶴氅作仙衣楊時連空春雪明如洗還憶江清見晚
 沙夜聽踈踈還密密曉看整整復斜斜風回共作婆婆
 舞天巧能開頃刻花政使盡情寒致骨不妨桃李用年
 華山谷九陌淒風戰齒牙銀盃逐馬帶隨車也知不作堅
 牢玉無柰能開頃刻花得酒強歡愁底事閉門高卧定
 誰家臺前暖日君須愛冰下寒魚漸可叉東皇賦上
 瑞來寧黃屋憂風聲將仁氣灑灑生瓦溝千門委圭璧

曉日爛不收此物有佳德占年在麥秋山度臘侵春亦
 未遲紛紛欵欵意猶微露衣帶潤渾無見着物還消不
 待晞賸欲打牕連夜聽未須迷雁斷行飛岫斜拖闕角
 龍千丈淡抹墻腰月半稜平看來天地不知夜飛入
 園林總是春盧次三千世界銀成色十二樓臺玉作層
 道劉師劉伶醉席梅花地海客仙槎粉水天錢惟深粧玉
 瓦平無壠亂拂蘆花細有聲辛玲瓏剪水空中墜的
 樂裝春樹上回軒曉沫平隨茶筋薄凍痕全共藥鉏深
 林和長天遠樹山山白不辨梅花與柳花鮫水晶不動
 垂千筋雲母無聲落萬家僧道已回隣面三年粉又結
 寒絲幾繭冰錢思危石蓋深鹽虎陷老枝擎重玉龍寒
 公韓魏

霜

伯竒鼓琴琴操中有履霜者伯竒尹吉甫之子甫聽後
 妻言逐之伯竒清朝履霜自傷無罪援琴鼓之
 郢衍繫獄行事燕惠王盡忠左右譖之王繫之獄仰天
 而哭五月天為之下霜淮南

豐鍾鳴豐山有九鍾璞注云霜降則

駟星見駟見而隕霜霜隕而冬裘具國語

青腰王女青女出以降霜青女霜神也又高誘注曰青

子南

仙藥西王母云仙藥中有玄霜絳雪漢武又裴航遇仙
 女樊夫人詩曰一飲瓊漿百感生玄霜搗盡見雲英傳

風

解慍阜財舜作五絃之琴以歌南風歌曰南風之薰兮
可以解吾民之慍兮南風之時兮可以阜吾民之財兮
東風入律天漢三年月氏國獻神香使者曰國占東風
入律百旬不休青雲干呂連月不散意中國有好道之
君故來貢東方朔十洲記

董風柳公權侍文宗遊後庭聯句帝曰人皆苦炎熱我
愛夏日長柳曰薰風自南來殿閣生微涼本傳

舶趨風梅雨過清風彌旬湖人謂之舶趨風海舶初回
此風與舶俱至東坡

颶風嶺嶠夏秋雄風曰颶發自午至夜半乃止什屋僵
樹甚者颶屋瓦若飛蝶累年一發或歲再三又南越志
云風來四面俱足耳番禺雜志云颶音貝風未至三日

不聞鷄犬聲如有所憂懼也投荒錄南方諸郡皆有颶
風以其四面俱至也嶺南錄

鍊風石尤風颶風將發有微風細雨先緩後急謂之鍊
風又有石尤風亦颶之類番禺雜記

大王風楚襄王遊蘭臺宋玉從焉忽有風襲王之衣襟
曰快哉此風也願與民共之王曰此乃王之雄風也百
姓安得而共之百姓乃雌風也王曰何似也臣有說焉
乃作雄風賦以進史記

五日一風儒者論太平瑞應皆言五日一風風不鳴條

論衡

風母風母出九德縣似猿見人若慙出頸打殺得風還

活劉欣期交洲記

相風鳥晉車駕出相風在前刻鳥於竿上名曰相風傳
玄有相風賦今檣鳥乃其餘意坡詩注又長安南有靈
臺高十仞上有相風銅鳥遇千里風乃動初學記

詩三句已過黃梅雨萬里初來舶趨風幾度縈回渡山
曲一時清駛滿江東驚回款款先秋葉喚醒昏昏嗜睡
翁欲作蘭亭快哉賦却嫌分別問雌雄東坡飄飄散芳勢
汎漾下蓬萊傳涼入鏤檻發氣滿瑤臺委禾周邦偃飛
鴉宋都回亟搖故葉落屢蕩新花開暫舞驚鳥去時送
藥香來已拂巫山雨何用捲寒灰梁簡文帝樓上起朝粧
風花下砌傍入鏡先飄粉翻衫好染香度儂飛長袖傳
歌共繞梁欲因吹少女還持拂大王梁孝元帝嫋嫋秋聲
習習春吹鳴茲玉樹煥此銅池羅幃自舉袖衿乃披暫

非楚侍濫賦雄雌梁劉孝綽可聞不可見能重複能輕鏡前

飄落粉琴上響餘聲梁何遜地鵝飛初湘川燕起餘掃

壇聊動竹吹雉欲成書蒼梧動猶在合浦樹應踈陽鳥

一轉翅千里定非虛梁顧颺漾楚王宮徘徊遠竹叢帶

葉俱吟樹開花共儻空飄香雙袖裏亂曲五絃中試上

高樓聽悲響定無窮陳祖孫

雲

商雲慶雲也其狀內赤外黃

景雲太平之應也一曰非氣非煙五色紛縕謂之慶雲

孫氏瑞

卿雲卿雲即慶雲聲之轉也詩○若煙非煙若雲非雲

郁郁紛紛蕭索輪困是謂卿雲史記

三素雲修真祕訣曰以立春日北望有紫綠白雲者為三素飛雲三元君以是日上詣天帝當再拜陳乞得給侍輪轂三過見元君之聲者白日昇天歲時廣

黃雲占東方朔傳曰凡占長吏東耕當視天有黃雲來覆車五穀大熟

氣候占雲冬至初陽雲出箕如樹之狀立春少陽雲出房如積冰春分正陽雲出軫如白鵠谷雨太陽雲出張如車蓋立夏初陰雲出觜赤如珠夏至少陰雲如水波寒露正陰雲如冠纓霜降太陰雲出上如羊下如蟠石

易通卦

砲車舟人占雲若砲車起急避之乃大風候也坡詩今日江頭天色惡砲車雲起風欲作張文潛詩喜逢山色

開眉黛愁對江雲起砲車王植方詩話

霧

三日三夜霧黃帝玄女之宮戰法曰黃帝與蚩尤對力戰九不勝黃帝歸於太山三日三夜天霧冥冥有一婦人人首鳥形黃帝稽首再拜伏不敢起婦人曰吾所謂玄女者子欲何問黃帝曰小子欲萬戰萬勝萬隱萬遁首當何從起

六月三日霧望氣經曰六月三日有霧歲熟

五里霧二里霧河南張楷性好道術能作五里霧時關西人裴優亦能作三里霧自以不如楷往從學之楷避不見

神井能致霧陳留風俗傳曰雍丘縣有祠名曰夏后公

祠神并能致霧

冒霧行王肅張衡馬均昔俱冒霧行一人無恙一人病

一人死問其故無恙者云我飲酒病者飽食死者空腹

博物志

霧中不見神仙傳曰欒巴為尚書忽一日天大霧對坐

不相見失巴所在尋問之云其日還成都親故別時亦

風雨晦冥

山中包賀詩云霧是山中子船為水鞞鞋瓊謬 三招

不見山中濕擬畫軒昂太白星林逋詩

詩三晨生遠霧五里暗城闌從風疑細雨映日似微塵

乍若非煙散時如佳氣新梁孝元帝詠霧水霧雜山煙冥冥見

曉天聽猿方村岫聞獺始知川漁人惑隩浦行舟迷泝

汭日中氛靄盡空水共澄鮮梁伏挺行舟值早霧

雷

陰陽相感淮南子曰陰陽相薄感而為雷

天地之鼓河圖帝紀通曰雷天地之鼓也

積風而成物理論曰積風成雷

雷推雷推歌竇輿物旁震歌竇曲內也上口感切正月

之物萬物尚在曲內之中雷震驚出也太元經

天地長子雷於天地為長子以其萬物為出入也雷二

月出地百八十日雷出則萬物出八月入地百八十日

雷入則萬物入入則除害出則興利人君象也

圖畫之工論衡曰圖畫之工圖雷之狀轟轟如連鼓形

又圖人若力士謂之雷公使之左手引連鼓右手槌之

雷車義興人姓周末平中出都日暮道邊有草屋有女子出門遂求宿一更中聞外有小兒喚阿香云官喚汝推雷車女乃辭去明朝視宿處乃一新塚耳搜神又焦贛易林曰白日揚光雷車避藏

霹靂車介休縣百姓常宿於晉祠夜半聞人扣門云介休王借霹靂車某日縣界收麥祠內即應遂見數人持一物如幢環綴旛旗十八葉有光如電至日果然損麥

西陽雜俎

王哀啟母晉陽秋曰王哀母性畏雷及母死每雷震輒就墓側故曰哀在此

霆爾雅曰疾雷謂之霆五經通義曰震與霆皆霹靂也
眾呼成雷淮南子曰叢輕折軸眾呼成雷

詩雷隱隱感妾心傾耳清聽非車音晉傳立雜言

電

王戎目王戎視日不眩目爛爛若巖中電晉書

列缺列缺電名也藝文類聚

天笑莊子曰王女投壺天為之笑則電

虹

樞星春秋運斗曰樞星散為虹霓

雄雌蔡邕月令章句曰虹螭螭也陰陽交接之氣著於形色者也雄曰虹雌曰蜺

美人虹異苑曰古者有夫妻荒年菜食而死俱化成青絳故俗呼為美人虹

虹飲晉陵薛願義熙初有虹飲其金澳噲變便竭願輦

酒灌之隨投隨咽便吐金滿器於是災弊日祛而豐富
數臻異苑

貫日戰國策曰唐睢謂秦王曰聶政刺韓傀白虹貫日
烈士傳曰荆軻為燕太子謀刺秦王白虹貫日

攻城視虹所在黃帝占軍決曰攻城有虹從外南方入

飲城中者從虹攻之勝白虹遠城不匝從虹所在乃擊

詩紆餘帶星渚窈窕架天濤空因壯士見還共美人沉

逸勢含良王神光藻瑞金獨留長劍彩終負昔賢心蘇

道誄

霽

將受大祚之應魏略曰延康元年大霖雨五十餘日魏

有天下乃霽將受大祚之應也

蘇峻滅乃霽晉中興書曰咸和四年陰霖五十餘日蘇

峻滅後乃霽

祈晴獲夢長沙耆舊傳曰文虔字仲孺時霖雨廢農業

太守憂色虔補戶曹掾虔奉教齋戒在社三日夜夢見

白頭翁謂曰爾來何遲虔具白所夢太守曰昔禹夢繡

衣男子稱滄水使者禹知水脉當通若掾此夢將可也

明日果大霽

詩夕霽風氣涼閑房有餘清開軒滅華燭月露皓已盈

宋謝瞻答康濕花飛未遠陰雲斂尚低燕噪還為石龍

殘便是泥周昉詩連山卷簇雲長林息衆籟密樹含綠

滋遙峯疑翠靄梁王筠靖屏翳之洪隧戢太上之觸石

凌風絕而謐寧歸雲反而微霍改望舒之離畢曜六龍

於紫閣於是朱明啟候凱風來南復火正之權司兮黜
后土於重陰夷中源之多潦兮反高岸於嵩岑萎禾竦
而振穎兮偃木豎而爲林陰陽交泰萬物方道炎神送
暑素靈迎秋四時逝而代謝大火忽其西流年冉冉而
易頽時靡靡而難留晉陸雲喜霽賦幽明失序就陰則滯連雨
霖淫注而不替潤既違時澤而非惠幸輟霖而吐景權
停風而歛翳昭鸞輅於天郊光龍旂於田際耒耨得施
禾黍獲藝增高廩於嘉年登十千於茲歲宋孝武祈晴文

錦繡萬花谷前集卷之二

